

pendum in vastissimo Nemore constructum. Ejus Cœnobiarcham agnoscunt supra mille octoginta Virorum Cœnobia, ac totidem prope Velatarum eisdem instituti, quod hinc *Cisterriense* dicunt. *Semurium*, vernacule *Semur*, situm est in medullio Territorii, quod vulgo *Auxois*, Opidum non inelegans. Inter Divionem & Belnam itinere medio *Nuithonum* est, vulgo *Nuys*. Opidum hoc semper Gladiorum opificio fuit celeberrimum. Quod Opidum hodie *Avalon*, apud Antonium *Aballon*, ubi *Legio xvi* dicitur, Quod *Sancti* vernacule, *Sidotucum* est Antonino: *Legionem* illi *xvii* tribuenti. Quod *Flavigni*, sesquileuca *Semurio* versus Oriem, *Flavia Ednorum* censetur olim dictum. Sunt & alia *Burgundia* Opida Burgique, quibus delineandis ævitati studens, superfedeo: ut sunt *Ausone*, Arcem habens, Clavis Ducatus Orientalior, Arari Mœnia lambente, *Noiers*, *Raviero*, *Leigne*, *Mombard*, *Chastillon*, *S. Seigne*, *Seloigne*, *Crevant*, *Viteau*, *Verdun*, *Arnay*, *Seure*, *Tonnerre*, *Tronoderum* Antonino. *Burgundia Ducatus* concenserit solent alia tres Vrbes Episcopales *Nevers*, *Ausserre*, *Mascon*. Prima dignitate gaudet & honore Ducatus, cujus Ditiō (*Duche de Nevernois*) late patens tribus navigabilibus, Fluviiis irrigatur, Icauna, Elavere, Ligeri. Numerantur ibi *xiii* Opida clausa, quorum *Niversum* est Metropolis; Iurisdictionem exercens, in *xxx*, ut vocant, Castellanas. *Nivodunum* Cæsari: Opidum est omni-ex parte Mœnibus cinctum firmissimis, Turribusque amplissimis, & Fossis profundissimis probe munitum. Inter præcipua *Ducatus Nivernensis* Opida sunt *Dezisa*, *Decisa* Antonino & *Decetia*: *Clamecyum*, *Donzyum*, *Milinium*, *Angilbertsum*, *Corbignium*, *Fanum D. Leonardi*, *Luyzium*, *Premecy* & alia. *Ausserre* sequitur: *Autissiodorum* Antonino, *Legionem* hic locanti *xxii*. *Autissiodorum* Ammiano, *l'Evêsche d'Auxerre*. Territorium hujus Vrbs, vulgo *le pais d'Auxerrois*, Vino cognomine est nobilitatum. Vrbs quæ hodie *Mascon*, Cæsari dicitur *Matiscona*: *Matisco*, Itinerariæ Tabulæ; *Matisconense Castrum*, Notitiæ provinciarum Gallia, & Antonino, qui *Legionem* ibi ponit *x*; *Mastico* in Veteri quiddam Diplomate, ut notat Philippus Bugnonius, qui hujus Vrbs Historiam concinnavit. *Machaon Villa* videtur dici paulo Diacono in Longobardicis. *Matissana* est Gregorio Turonensi, & aliis. Caballino, si Situm quis Cultumque & Artes respiciat, similima. Porrecta jacet ad Ararim, qui Ponte insigni stratus, recto longoque ad Orientem tractu; reliquis Lateribus in Arcus speciem se formantibus. In hac Burgundia ejusque confinibus hi Comitatus *Dijon*, *Austun*, *Tonnerre*, *Chalon sur Saone*, *Mascon*, *S. Marin*, *Nevers*, *Langres*, *Ausserre*, *S. Jangon*, *Charolois*, *Chagni forte* (*Chagni*), *Monliet forte* (*Montit*), *Auxone*, *Rogemont*, *Mussy*, *Brestemont*, *Sees*, *Mombys*, *Senegnon*, *Gilly*, *Valenion*, *Tirecourt*, *Chevigni*, *Aineville*, *Espirey forte* (*Epiryen*), *Tarvant*, *Brassey forte* (*Brasse*), *Rochefort*, *Aincourt sive Agincourt*, *Viteau*. Quibus adduntur etiam *Arley*, *Ragny*, *Chaligny*, *Mommartin*, *Langey*, *Beauchamp*, *Couches*. Episcopatus *Augustodunensis* sive *Heduenensis*, *Austun*, & *Matisconensis* *Mascon*, & *Cabilonensis* *Chalon*, & *Lingonensis* *Langres*, subsunt Archiepiscopo *Lugdunensi*. Flumina habet hic Ducatus *Suzionem*, *Oscarum*, *Ararim*, *Icaunam*, *Ligerim*, *Elaverem* & alia,

Status Ecclesiasticus.